



**Châng Thlan:** *Genesis 32:28.*

**Chhiar Tûrte:** *Genesis 32–35; Jer. 30:5–7; Hos. 12:3, 4.*

### **Then 1-na: Zirlâi Tlângpui Thlîrna**

**Thuhmahruai:** Tûnah chuan Jakoba hi Labana lak ata a zalên ta a. Pathian malsâwmna changin a lo hausa ta hle mai. A tâwp a tâwpah chuan a hlim ve ta niin a lang a. A thiltum ber chu nei tawh avângin, an ram Kanaan lamah hâw zâi a rêl ta a ni. Nimahsela, Kanaan rama chuan eng thil nge a tawn dâwn tih a hre lo va, a ûnaupa lah khân thah a tum bawk si; chuvâng chuan a mangang ru hle a ni. Hetih hunah tak hian Pathian chuan a rawn be ta a. Hemi tuma an intawwna mak danglam tak hian a nungchang pawh a thlâk danglam ta a ni. A hming pawh Israela tia thlâk a lo ni ta a. Peniel hmuna Pathian nêan an intawhna hi Bethel hmuna an intawh dân nêan khân a inang hle bawk.

Bethel kha ni tlâk rualin a inţan a, Peniel eawh ni chhuah rualin a tâwp ve thung, a chhan pawh hma lam hun êng leh ropui tak a lo thlen dâwn vâng a ni. Zankhuua Pathian a buan hnu-in malsâwmna leh hming thar nêan a lo chhuak ta a. Hmangaihna Pathian nêan mi mal taka intawngin a dam khu chhuak a ni. A hmêlma, a û Esauva hmêl pawh inngaihtlâwmna leh hmangaihna nêan a en thei ta a. Chutichuan, a chhûngte hnênah kîrin a in chhûngkhura

khawlohna thleng—Dinaii puangsual a nihna, a fapate tualthuahna leh milem biakna te chu a hmachhawn ta a ni.

### Zirlâi Thupuite:

1. **Jakoba Manganna.** Jakoban Ram Tiam a thlen hmâa buaina a tawhah hian Pathiana inngah tawp mai a pawimawhzia a lang a, tin, hei hi tâwpna huna chêng Pathian miten manganna an la tawh tûr lo entîr lâwktu a ni bawk.
2. **Pathian Nêna Inbuanin.** Pathian nêna an inbuanna khân amah leh amah inbuan tûr leh a nun thlâk danglam tûrin a ti a. Chu chuan piantharna pawimawhzia hrihlin zirlâi pawimawh tak tak a zirtîr bawk a ni.
3. **Ânaupa Hmêl Chu.** Jakoba hian Pathian nêna an inbuan avâng khân Pathian a ûnaupa hmêlah Pathian hmêl a hmu thei ta a ni.

### Then 2-na: Zir Zauna

#### Jakoba Manganna

Jakoba manganna (Hebrai *ṭawngin*, *tsarah*) hian zâwlnei Jeremia kha Babulon sala tâng mêk Israel-te dinhmun chhiatzia a chham chhuahtîr a (*Jer. 30:7*). Nimahsela, a rilru-a awm tak zâwk hi chu Jabok lui kama Jakoba thil tawn kha ni ber lovin, ni hnahnunga Lalpa Ni lo thleng tûr hi a ni (*Zeph. 1:14–18*). Daniela pawhin he *ṭawngkam* hi hmangin, tâwpna huna “manganna,” “buaina” (*tsarah*) lo thleng tûr sawina atân a a hmang a ni (*Dan. 12:1; Mat. 24:15, 21*).

Jakoba hi manganna hi thil pahnihin a thlentîr a ni a. A hmasa zâwk chu a lei hrût zâwng niin, chu chu a unaupa nêna inzawmna nei a ni bawk. A pahnihna chu a vân vawrh zâwng ni ve thungin Pathian nêna inzawmna nei a ni. Jakoba rilru kaptu ber chu a ûnaupa a ni a, a hnênah hian thuchah kengtu pâwl pahnih a tûr a nih kha. Hetianga a tih chhan chu Esauva hian pâwl pakhat, a kal hmasa zâwk chu lo that vek pawh ni se, pâwl pakhat dang chu an tlân bo theih a beisei vâng a ni. Hêng pâwl pahnih a tirhte hi hming thuhmun, *makhaneh* tiin a ko ve ve a (*Gen. 32:7, [8]*). Jakoba hian Pathian

nêna an inlaichîna a siam ðha leh dâwn a nih chuan, a ûnaupa nêna an inzawmna a tihðhat thar leh hmasak phawt a ngâi tih a hria a ni.

Jakoba hian a pu Abrahamana pawhin a lo tih tawh ang khân Pathian hnênah ðanpuina a dîl a. Pathian chu Kanaan rama kîr leh tûra thu petu (*Gen. 32:9*), malsâwm tiamtu (*Gen. 32:12*) a nih avângin Pathian hnênah chauh dîlna a thlen a ni. Jakoba hian Pathian khawngaihna ropuizia a sawi a (*Gen. 32:10*). Hebrai thumal pahnih, *khesed* (“khawngaihna”) tih leh *'emet* (“thutak”) tihte hi Abrahamana chhiahhlawhin a ðawngtâina Pathianin a chhân avânga lâwmthu a sawi khân a lo hmag tawh a ni (*Gen. 24:27*).

A ðawngtâina hmunah hian a riak nghâl a. Amaherawhchu, a nupui fanaute hnêna a kîr leh hma hian thil tih a nei thung. Jakoba hi mi mâwl a ni lo va, tin, a rinna hian eng mah ti lova awm tawp tûrin a siam lo bawk a, chuvâng chuan a nupui fanaute leh a ran rualte chu him taka an awm theih nân ruahmanna a siam a. A ûsauva tihlungâwi nân a hnêna pêk tûr thilpêk chi hrang hrang a buatsaih a ni (*Gen. 32:20*). Hebrai ðawnga “thin tidam” tih sawina thumal, *kpr* hi a awmzia dik tak chu “remna siam” tihna a ni a.

Thumal dang, *minkhah*, thawhlâwm sawina atâna hman “thilpêk” (*Lev. 2:1–14*) tih leh “ngâidam” tih emaw, “pawm” tih emaw sawina *nasa' panimnêna* hman kawp a nih chuan sakhaw lam hawia hman a ni tihna a ni. A awmzia chu, Jakoba hian a hmâa Pathian nêna inremna an lo neih tawh kha a rilru-ah a dah a (*Gen. 32:22–32*), chutichuan, a ûnapa nêna hian inremna siam leh a tum ta tihna a ni (*Mat 5:23 chhiar ang che*).

### **Pathian Nêna Inbuanin**

Jakoba hi amah chauhin a la awm rih a, a chhan pawh thinlung leh tih tak zeta ðawngtâi a, Pathian vênhimna leh a rawn inrawlhna dîl a duh vângn a ni. A ðawngtâi lâi hian a hnênah “mi pakhat” rawn kal a (*Gen. 32:24*). Jakoba hian chu pa chu a hmêlma nia ngâiin a nunna humhim nân theihtâwp chhuahin a lo bei a. He mi hi tu nge ni tih sawi lan a ni lo hian mihring pângngâi chu a ni lo tih a tilang.

A hnu-ah chuan he mi hi Pathian niin a sawi ta a, (*Gen. 32:30*) chutiingin zâwlnei Hosea pawhin Pathian a ti ve bawk (*Hosea 12:3, 4*). He thumal tho hi Isaia pawhin Chhiahhlawh Tuartu nihna sawina atân a hmang leh a ni (*Isa. 53:3*). Mihring ruangâm ang pûa Pathianrawn inlanna hi thil thleng ngâi lo a ni lo va (*Gen. 18:1, 17; Rorêltute 6:11 en ang che*). “Mihring” tih thumal vêk hi Daniela pawhin vân Puithiam Lalber nihna sawina atân (*Dan. 10:5; Dan. 8:11*) leh “sipaihote lal” tih sawina atân a hmang (*Dan. 8:11*)—hêngte hi amah LALPA sawina vek a ni (*Josua 5:14, 15*).

A chak lo zâwka he Mi (Pathian) a ƣang teh tlat hian Pathian chungchângah zirlâi pawimawh sawiin, mihringte nêna an inlaichîn dân min hrilh a. Mihringte nêna an intawnaa Pathian “chak lohna” hi a khawngaihna leh a hmangaihna târ lanna a nih bâkah, mihringte chhandam nâna mihringa a rawn channa rilzia a tilang bawk. Chak lo zâwk ni mah se, a hnu lawka a thil tih hian Jakoba kha a lo hlahthlem mai mai ani ti a tilang a. A wawi khat tawh lekah Jakoba malpui ruh chuktuah chu a pelh nghâl dêr mai a ni, hei hian mihringte âia chak leh thiltithei zâwk daih a nihzia a tilang. Jakoba taksa a khawihsak lâi, “a malpui ruh chuktuah” tih hian a kâwng bâwr vêl emaw, a malpui emaw kâwkin, chu thu khuh deuh zâwng a ƣhâlbe sawina a ni a. Chutiang, hemi ƣuma Pathianin a ƣhâlbe tak a rawn khawihsak avâng hian a thlahte zawng zawng chu malsâwmin an awm ta a ni (*Gen. 46:26, Exod. 1:5*).

A taksa pêng zînga nunna siamtu lâi tâk a rawn khawihsak kher hi thisen ei khapna thu nên pawh a inzawm leh zêl bawk a. A chhan pawh thisenah hian nunna a awm vâng a ni (*Gen. 9:4*). Chuvângin, thisen ei loh hi Jakoba chanchin min hriat nâwnƣirtu a nih mai bâkah, zirlâi pawimawh tak tak min zirtƣirtu pawh a ni bawk a. Nunna hlutzia leh thianghlimzia min hriatƣirtu a ni.

Zâwlnei Hosea chuan Jakoban Pathian a buan hi ƣawngƣaina tiin a sawi a (*Hos. 12:4*). Jakoba rinna hian beidawng lova ƣawngƣai dîl lui ƣang ƣang a nihzia a tilang (*Luka 11:5–8*). Chutichuan, a hming thar pawh “Israela” a ni. A mi buana hi “mi” tia sawi a ni a, hei hian thil inkalh tak tak a entîr a: 1)

Jakoba hi Pathian nêan an inbuan a, mahse, “mi” tih a nih avângin Jakoba hi mihringte nêan an inbuan bawk a ni; 2) Israel tih hming awmzia chu “Pathianin buan” tihna a ni a, mahse, a buan hmasatu tak zâwk chu Jakoba a ni; 3) Jakoba khawihtu hi “mi” a ni a, chu mi chuan a malpui ruh chuktuah a tihpelhsak a, mahse, hnehna changtu chu Jakoba nia sawi a ni thung.

Hel thil inkalh tak taktke hian zirlâi pawimawh tak tak min pe a: 1) Pathian nêna Jakoba inzawmna that leh that loh chu mihringte nêna an inlaichînna that leh that lohah a innghat (hetah hi chuan, Esauva nêna an inlaichînna kha a ni ber ang a); 2) Israel tih hming, “Pathianin a bei” tih hian Jakoba kha a tâna Pathianin a beih phalsak dân zir tûrin a hrill a (*Exod. 14:13, 14 en ang che*). Jakoba hian Pathian inhnehtîr a phal chhông chuan hnehna a chang ang. Chu chu Paula thukhawchâng pawh a ni chiah a: “Ka chak loh apiang hian a ni ka chak thin ni” (*2 Kor. 12:10*) tiin a sawi a nih kha.

Jakoba hian a hnêna Pathian a rawn inlârna hmun hi “Peniel” tiin a vuah a, chumi awmzia chu “Pathian hmêl” tihna a ni. Hê hming hian Jakoba thil tawn a sawi a; chu a thil tawn chu Pathianin a rawn bei a, mahse, a dam khaw chhuak tlat. Hebrai tawngkam, “hmaichhan” tih a hman avâng hian Pathian chu a taksa, a hmêl tak tak a hmu e tihna a ni kher lo va. “LALPA hmêl ang” (*Num. 12:8*) hmu tih nêan thuhmun niin, chu chuan Pathiana intawwna a kâwk (*Deut. 5:4*).

## Ûnaupa Hmêl

Jakoba hian a thilpêkte tlâwmngâia lo hnartu (*Gen. 33:9*) a û Esauva chu heti hian a chhâng a, “Pathian hmêl hmu angin i hmêl ka hmu a” tiin. A û—nêna an inlaichînna chu Pathian nêna a inlaichînna nêan a suih zawm a (*Gen. 33:10*). Esauva hmêlah hian “Pathian hmêl (*Peniel*) a hmu tihna a ni. Jakoban Esauva a hmu hi Peniel pahniha niin, Paniel hmasa zâwk kha Peniela hnuhnung zâwk atâna lo buatsaihtu a ni a. Pathian nêna an lo intawn tawhna khân a û nêna intawng tûrin a buatsaih bâkah, a û nêna an inremna hian Pathian nêna an inlaichînnaah pawh nghawng a nei dâwn a ni.

Jakoba hian Pathian a hmangaihna leh a ûnaupa a hmangaihna te chu inring tawn, inchâwm tawn a ni tih a hre thiam a. Isua pawhin a nihzia chu Pathian Lehkha Thu la chhuakin heti hian a lo sawi: “LALPA i Pathian chu i thinlung zawng zawng, i thlarau zawng zawngin, i rilru zawng zawngin i hmangaih tûr a ni tih hi. Chu chu thupêk ropui ber leh pawimawh ber a ni. A dawttu, a anpui ni bawc chu hei hi a ni a: “Nangmah i inhmangaih angin i vêngte pawh i hmangaih tûr a ni tih hi. Chûng thupêk pahnihah chuan dân thu leh zâwlneite thu zawng zawng a inkhâikhâwm vek a ni” (*Mat. 22:37–40*).

### **Then 3: Nuna Bel Tûr**

**Jakoba Manganna.** “Jakoba hian Esauva laka chhanchhuahna a chan theih nân zankhuain Pathian a buan a, khatiang chiah khân sakhaw mite chuan a chhûn a zânin anmahni hualtu hmêlmate laka chhanchhuah an nih theih nân Pathian tanpuina an dîl tûr a ni.”—Ellen G. White, *Thlahtubulte leh Zâwlneite*, p. 201. Eng tiangin nge Jakobang manganna a tawh hi tâwpna hun atâna beiseina min siamsaktu a nih? Jakoba manganna tang hian buaina hun kan pal tlang theihna tûra min pui thei tûr vaukhâna leh fuihna thu eng nge kan hmuh? Nangmah ngei pawh khân buaina hun ang deuh hi i lo pal tlang ve tawh em? Chutiang hunah chuan rilru hrehawm takin i awm a, Pathian lah chu a reh veng veng mai si a ni lo’ m ni? Chutiang manganna chu eng tin nge i hmachhawn?

**Pathian Nêna Inbuanin.** Thlêmnate leh rinhlelnate nêna in inbuan vak tum kha ngaihtuah lêt leh la. Khâng harsatna i tawhte khân eng tin nge Pathian hnaih tûrin a puih che? I thil lo tawn tawhte chu i class-ah i sawi chhuak dawn nia. Eng tin nge Jakoba thusawi, “Mal mi sâwm loh chuan ka thlah lo vang che” (*Gen. 32:26*) tih hi i tangngâi thuchham a nih ve theih ang? Enga ti nge Pathian nêna inbeih a chak lo zâwk nih hi a chak zâwk nihna a nih hlauh si? Eng tin nge Pathian nêna inbuanna hian kumkhua atân i nun a tihdanglam theih ang? Rome 7:23–25 chhiar la. Eng vângin

nge Pathian hi kan “buan” ang a, eng a ti nge Pathian buan hi thil harsa tak a nih? Eng a ti nge keimahni mai chuan hnehna hi chan rual a nih loh? Efesi 6:12 chhiar ang che.

**Únaupa Hmêl.** Eng vângin nge leh eng tiangin nge Pathian ngaihdamna i lo chan tawhna khân mi dangte ngâidam ve thei tûrin a ãnpui che? Eng vângin nge hmangaihna, mi dangte zahna leh hnam dang leh sakhaw dang vuantu pawh ni se, a nihna ang anga pawm mai thei tûr chuan amah Pathian hi hmuh hmasak phawt a pawimawh ãhin? I unaupa emaw, unaunu emaw laka i chêt dân engte khân nge amahah Pathian hmêl hmuhna kawng hawng le?

## INSIDE STORY

### ṬAWNGṬAI CHHÂNNA THUAH HNIH

*By Andrew McChesney*

**R**USSIA khawpui Moscow kiang chhim lama Zaoksky Adventist University-a theology kum khatna zirlai chu worship room-ah a tlan lût a. Ṭhingṭhîn, “LALPA, ka sual tehlu nê, engati nge nangin mal min sâwm le?” tiin a ṭawngṭai a.

Kum 21-mi Vadim Antyushin chuan Pathian malsâwmna dawng tlâk lo nia inhriatna a nei a ni. Seventh-day Adventist pastor la ni tûra koh leh university-a zir vê tlâk ni pawhin a inhre lo. Semester hmasa ber class an la ãn chauh a ni a, beisei loh takin US dollar 100 a dawng bawk a. Ani tân chuan sum awmzenei tham tak a ni.

Vadim-a chu heti hian a ṭawngṭai a, “LALPA, hê pawisa hi dawng tlâk pawh ka ni lo ve. Ka mamawh zawng zawng min phuhrûsak vek tawh a, tlâkchham eng mah ka nei lo. Hê pawisa hi engtin nge ka tih ang min hriattîr tawh,” tiin a chham a. Vadim-a chuan US dollar chu Russian rubble-in a thleng a, chêng 6,000 hû lai a ni mai!

Vadim-a chuan chawlhkâr khata ṭawngṭai hona ṭum khat nei pâwl tlêm tê chu a zawm vê a; a hnû deuhah chuan zirlai zînga pakhat chuan sum leh pâi lama harsatna a neih chu

ṭawngṭaipui tûra ngenna a siam thû a hre ta a ni. Vadim-a chuan ngâwi rrengin a lo ngaihlâ a. Chû zirlai chu a hmêlhriat pawh a ni lo va, a lehkhâ zirna atân eng zât nge a mamwh pawh a hre chuâng lo. Chûmi zân chuan, Vadim-a chu worship room-ah ṭawngtai tûrin a kîr leh a. “LALPA, ka zirlai pui tân pawisa pêk ka duh a ni. Khawnaih takin hê ruâhmanna hi Nangmâ ruâhmannaah chantîr ang che,” tiin a ṭawngtai a.

A tûkah chuan, Vadim-a chuan chû a zirpui chu a rûk têin biakna a nei ta a ni. “I lehkhâ zir nân sum eng zât nge i mamawh?” tiin a zâwt a. A zirpui chuan, “Rubble sâng ruk,” tiin a chhâng a.

Makti takin, Vadim-a chuan a dîlnate chu Pathianin a chhânsak a ni tih a hre ta nghâl a. Chû chauh ni lo vin, chû a zirlai pui dîlna pawh A chhânsak a ni tih a hrethiam bawk a. Hlim takin Rubble 6,000 chu a zirlai pui hnênah chuan a hlân a. An pahnih chuan hlim takin an inkuah a.

A hnû kum hnihah, chû zirlai chu Vadim-a ṭhian ṭha berte zînga pakhat a lo ni ta a.

Interview-naa Vadim-a sawi dân chuan, “Ani leh kei hi kan inkawp zui nasa hlê a, kan inṭanpui tawn ṭhîn a ni. Chutiang ṭhian duhawm tak ka nei ta chu Pathian chungah ka lâwm hlê mai a. Keinin kan mamawh dâwn tih pawh kan hriat hmâ hauha min lo ngaihtuah sak diâm avângin Pathian chungah lâwmthû ka sawi a. Kan dîl hmâ hauh pawhin, tû hmangin emaw kan mamawh min phuhrûksak tûrin hmâ a lo la diâm ṭhîn a. Thil pawimawh chu Amah rinchhan hi a ni,” tih a ni.

“Chutichuan, keimahnia thawk ṭhîn thiltihtheihna ang zêlin, kan dîl leh ngaihtuah zawng zawng âia nasa fêa min tihsak theitu hnênah ngei chuan chatuanin chhuân zawng zawng thlengin, kohhran hovah leh Krista Isua-ah chuan ropuina awm rawh se. Amen” (*Efesis 3:20-21*, NKJV).